

Na osnovu člana 90. Zakona o javnim nabavama BiH („Službeni glasnik BiH“, br. 39/14, 90/14, 96/14, 97/14, 103/14 i 104/14) i člana 7. stav (1) tačka b) Pravilnika o postupku direktnog sporazuma BiH („Službeni glasnik BiH“, br. 90/14)

1. **SAMOSTALNA RADNJA IZRADA I DORADA NARODNIH ODIJELA**, Veliki Ćurčiluk 55, 71000 Sarajevo, identifikacioni broj: 4300139990003, zastupana po vlasniku Muhamedu Ljusi s jedne strane (u daljnjem tekstu: dobavljač) i
2. **JU OSNOVNA ŠKOLA „HADŽIĆI“ HADŽIĆI** Zlatnih ljiljana 57, 71240 Hadžići, identifikacioni broj: 4202256020005 zastupana po direktorici Đenani Alispahić s druge strane (u daljnjem tekstu: Ugovorni organ),

zaključili su dana 31.12.2018. godine

U G O V O R

O NABAVCI TRADICIONALNE ODJEĆE

Član 1.

Predmet ovog Ugovora je nabavka i isporuka sljedeće tradicionalne odjeće: *bosanska narodna nošnja/dječija muška* - 8 kompleta, *bosanska narodna nošnja/dječija ženska* – 8 kompleta, *ženske anterije* - 3 komada, *papuče* - 8 pari i *marame* (u daljem tekstu: odjeća) na osnovu prihvaćene Ponude *SR Izrada i dorada narodnih odjela Sarajevo vl. Ljusa Muhamed* broj: 01-10-18/2 od 31.12.2018. godine koja je sastavni dio ovog Ugovora i Odluke o direktnom sporazumu broj: 1426/2018 od 31.12.2018. godine.

Član 2.

Vrijednost ove nabavke iznosi **5.795,00 KM (slovima: pethiljadasedamstotinadevedesetpet konvertibilnih maraka)** bez PDV-a.

Dobavljač se obavezuje da će odjeću isporučiti ugovornom organu u roku od 3 (tri) mjeseca od dana potpisivanja ovog ugovora.

Ugovorni organ je dužan isplatiti cijenu u iznosu navedenom u stavu (1) ovog člana u roku od 30 (trideset) dana od dana prijema ispravno ispostavljenje fakture.

Dobavljač je dužan isporučiti odjeću u neoštećenom stanju na adresu: JU Osnovna škola „Hadžići“, Zlatnih ljiljana 57, 71240 Hadžići.

Troškove isporuke kao i one troškove koji prethode isporuci snosi dobavljač.

Član 3.

Ugovorni organ može raskinuti ovaj ugovor u sljedećim slučajevima:

- ako dobavljač ne isporuči odjeću u predviđenom roku,
- ako je ugovorni organ nezadovoljan odjećom u smislu da na istoj postoje materijalna oštećenja,
- ako je dobavljač isporučio odjeću koja nije odgovarajuća uzorku ili modelu, osim ako je uzorak ili model pokazan samo radi obavještenja.

Dobavljač može raskinuti Ugovor, ako ugovorni organ ne ispuni finansijske obaveze utvrđene ovim ugovorom.

Član 4.

Ugovorne strane su saglasne i prihvaćaju da za sve ono što nije u ovom ugovoru predviđeno, važe propisi iz Zakona o obligacionim odnosima.

Član 5.

Ugovorne strane se obavezuju eventualne sporove riješiti mirnim putem, ukoliko to nije moguće ugovaraju nadležnost suda u Sarajevu.

Član 6.

Ovaj ugovor je sačinjen u 2 (dva) istovjetna primjerka od kojih svaka strana zadržava po 1 (jedan) primjerak.

Član 7.

Ugovorne strane primaju prava i obveze iz ovog Ugovora, te ga u znak toga potpisuju.

DOBAVLJAČ

/Muhamed Ljusa /

Broj: _____

Datum: _____

UGOVORNI ORGAN

/Denana Alispahić, prof./

Broj: 1427/2018

Datum: 31.12.2018. godine